

5503.7  
4094.1  
v.2

啓辭

書

應制錄

祭祝文

箋

教書

不允批卷

祭文

雜著

說題後記

銘頌

通文勸諭文

程文

賦策對

天點集二

五三

BERNARD  
LIBRARY  
UNIVERSITY OF  
CALIFORNIA

Carpentier



天默先生集卷三

啓辭

南溟翼照律事避燠啓

臣聞法者萬世之常經赦者一時之恩典恩典可輕  
可重常經不可一毫任意低昂也 皇朝高皇帝既  
立法典遺命曰改一字者斬違一字者斬祖宗以此  
垂訓子孫以此遵守故雖當三百年恬嬉之餘貪風  
大振寔寺用事而至今凜凜猶有餘威抵當強敵屹  
然不動也我 三宗金石之典如日星昭垂大綱小  
紀無不備舉殺不避大賞不遺小故南服倭北服胡

掘地數千里威令大行中年以來世無誠臣奉行如  
見戲民不畏信讖以熟鹿皮滅裂委靡至於廢朝而  
極焉 廢下自反正初年慨然有振作之志凡百廢  
墜無不一新同律度謹權量帝王之所慎重

祖宗

朝布物尺度升數亦極詳悉而久廢不行為病民巨  
弊 廟堂變通造尺頒布達臣陳啓亦非一二而至

今十七年其弊未革愈往愈甚則非徒

祖宗之典

不行 殿下歸令亦不行於門外廢事之難舉如此

何以振大綱立大典乎關石和勺廢而夏亡小區大  
鍾廢而齊亡識者也知有今日久矣今經大亂之後



庶可懲艾覆轍而茂法紀恣甚於前日徇私姑息涓  
涓皆是南溟翼也前日發覺者渠之不幸而國家之  
幸也今日遇赦者國家之不幸而渠之幸也以所犯  
論之則衆同獨發雖或在可赦而以所關言之則懲  
一勵百不啻違一字者斬甫言人有赦後按誅殺人  
者殺人之罪可赦廢法之罪不可赦也臣於其時忝  
居法府知有公法而不知有恩典廢公法而附恩典  
臣未之學也照律時掌令趙重呂先發此論臣意與  
之合以此啓達矣臣欲以區區野見矯一時之弊近  
於一木而支大厦寸膠而清黃河實不自量俗議淳

論無足怪者臣等固守偏見不可久在言地請命  
遶斥職名

申救俞伯曾事避嫌啓

臣聞天子有爭臣七人則不失天下諸侯有爭臣五  
人則不失其國此古人透理之至言也唐太宗繼隋  
室之大亂而能做貞觀之治者以能用魏徵之言也  
漢武帝席文景之富慶而幾至亡秦之續者以不用  
汲黯之言也魏徵不容太宗一過雖以太宗之量猶  
不能堪至於欲殺田舍翁然而太宗之明知不可無  
徵終始柄用至此人鑑其致治之效無以議為汲黯



內多愆外施仁義之言正中武帝也病倘使武帝能用其說則豈有土木禱祀虛內事外之事雖以武帝之雄才大略而不用蠶直之言進用阿世之人故終致海內虛耗幾至於亡此聖人所謂鄙夫不可與事君者也臣竊觀俞伯曾之直截敢言真當今之汲黯魏徵也殿下之臣罕有其比而當此天命人心幾去之際猶不用其言又從而罷斥之凡有言責者當碎首瀝血以期回天而臣再入言地僚議不一終不能更發論啓只因請對略陳俞伯曾古也遺直盡言不諱當今一人雖有過實之言亦當優容數言而已

以此塞責未蒙允俞而至令舍嘿無一言論執臣之  
順旨苟容旅進旅退之狀雖無人言亦愧于心況被  
同僚之詆斥更舉何顏仍冒重地臣晚聞家兒之計  
遽即出仕私情未安引咎自劾亦後同僚怠慢之罪  
至此尤大請 命罷斥臣職以為循默負國者之戒

再啓

持憲之職以言為責則可言而不言與不得言而不  
去其罪均也俞伯曾以盡言不諱被罪則為言官者  
所當急言竭論以得請為期是其職分也前宣既以  
率爾停 啓被論則後又者亦當更發連 啓庶有



回天之路而當時遽授其代者臣也拘於僚議之不  
一隱嘿無一言則不職之失昭著難掩崔有海之厚  
詆峻斥政指臣也而諫院不思廉耻泛然請出亦甚  
無謂臣更舉何顏偃然仍冒請 命鐫削臣職以快  
公議

請按律金自點啓

金自點身為元帥居國西門敵兵數百過其城下而  
歛兵高卧不為遮遏且不趁時馳 啓使 君父幾  
不得脫孤城受圍朝暮旦陷而展轉峽裏退坐觀望  
人臣分義寧忍如此安置好地決非其律輿情日以

憤鬱士氣日以辭體日後緩急將何以懲勵他人哉  
軍律至嚴不可以昔日黜勞貸其難貸之罪也請  
命依律定罪

請安置尹昉金瑬啓

尹昉金瑬罪在宗社殿下固不可以一時私意  
有所容貸於其間而加罪之舉不足以當其罪至於  
尹昉則尤用輕典只罷其職其何以洩神人之憤謝  
一國之言乎臣等之嗷嗷不已輿論之藉藉未已者  
咸以此也請加三思并命園籬安置

再啓



尹昉金瑩俱是誤國大臣前日所施之罰不足以懲  
其罪犯而旋即收叙此公議之所以激發而更尋請  
罪之論也兩司之前後論列既已備盡聖明亦必  
洞燭矣金瑩身都將相十有餘年殿下之倚毗責  
任更無異并往年敵情構釁之後或戰或和宜有  
廟堂定筭而歸令施措一倍委靡及其敵兵之深入  
也奉避之計猶且茫然使君父幾陷不測山城指  
揮又無一事可觀北門親督盡喪精銳則守城之功  
蔑矣江都觀察授其子則償國之罪深矣竟使堂  
堂國家至於此極者舍此人誰任其罪至於尹昉則

殿下以為 先朝老臣托之以 廟社之重其責  
任如何而不忍言之痛乃至於此甚矣昉亦人臣具  
誠何心哉江都失守事無可為則 廟社嬪宮在所  
當避而不思奉而登艤乃自投諸敵陣就俘苟活  
廟社奉還何故獨後嬪宮之行而汚辱散失之狀慘  
不忍盡言陣中蒼皇之際雖諉以不得自由及其入  
城則 宗廟公廨何暇奉安之不可而乃敢以陣上  
已裹仍置私舍怙然過夜是可忍乎人臣負此大不  
敬何敢舉顏投疏有所陳辨也崑金壆 殿下之罪  
人也尹昉 宗社之罪人也 殿下之罪人猶不可



以私也況宗社也罪人乎環東土數千里之間凡我祖宗生靈莫不痛心切骨以陛下今日之處置深有所缺望矣陛下若不及今日明治其罪則將何以洩神人之憤而有辭於後世也尹昉之罪決不可罷職而止請尹昉金匱并命圍籬安置

請還收申景瑗放釋啓

申景瑗身為副元帥當敵兵要衝之地敵兵直向都城則力戰遮遏乃其職分而馬將所率不過數百畏縮觀望縱使過去未能發一矢相抗忍以敵兵遣

君父山城赴援亦不趁時脫後出城蒼黃失措一敗

覆軍就俘苟活景瑗乃忘君負國之一俘因耳失律之罪與金自黜無異而辱國之罪則甚焉今者殿下既釋其罪又從而錄用物情駭憤將士嚙罵日後緩急將何以責他人忘身殉國哉刑章自此而益紊紀律自是而益頽前頭國事無可為者請還收申景瑗放釋之命

申景瑗請罪避嫌啓

傳曰君不擇將以其國與敵此乃兵家之真詮蓋以元帥者司命所係一勝一敗興亡判焉故降危注意尤難其人也申景瑗前為全羅兵使時臣以道內之



人觀其施措愛民撫士或勝於他黜臣之狼戾無狀  
則付之字牧猶可效職而怯懦寡謀全無將領之才  
排陣行師猶不知要況望其臨機制變乎有司不察  
只以黜資而起授重任不待臨亂而可知其債事矣  
司命何等責任而每授匪人國家之致有今日亦無  
足怪也一敗已驗之後殿下猶不覺悟既釋其死  
律又授以中堅之任豈不為敵人之笑侮乎晉文公  
不替孟明者以其才大而罪小也景瑗既有擢髮之  
罪更無寸線之長則縱使將士辭體紀律頽弛寧有  
後效之可望哉當初再論時臣於城上野主張構草

瀆擾又持之罪直放後入之司僚又臣與沈大孚相  
議都副元帥及都副檢察罪同罰異殊失刑章欲合  
解加論而此遭私制又往試取舍嘿度日未及完落  
沈大孚既以僚議不一抗辭引避未蒙獎諭還命  
出給則瀆犯之罪臣與無異臣敢偃然仍冒請命  
罷斥臣職

請遠竄沈誼啓

大駕住南漢之初清人朮王子大臣朝廷卽為發  
送沈誼敢以假王身假大臣之說言於清人與朴蘭  
英真王弟真大臣之說大有相左因此激怒蘭英王



於被害此人非但國家之罪人實乃蘭英之罪人也  
賣國挑禍之狀極為駭痛此無非朝廷見輕王法不  
行之致設使出於恇惴失言其誤事辱國之罪亦大  
只奪其官有同見戲請 命極邊定配

請還收張維罷黜啓

無偏無黨王道蕩蕩者皇極之體無作好惡遵王之  
道者皇極之用未有作好惡而能無偏黨者也故聖  
人之心常如明鏡物各付物未嘗偏徇曰人之可好  
而好之因人之可惡而惡之所以恕不遷過不貳也  
今見 殿下欲破朋黨而自作好惡先失於下工之

地何以立皇極也體乎聖學高明非不知此而惡

黨之心偏勝於內故始怒於無形迹之事終疑於無

瑕疵之人所謂之所惡而僻焉者也張維性本恬靜

不喜交遊逮至宰列門無雜客而際會聖明感激

恩遇知無不言言無不盡今茲上劄亦欲納吾君於

無過之地而使國家刑章歸於皇極至中之道而已

豈有一毫私意阿其所好而殿下以欺蔽疑也臣

等六恐殿下本原之地猶未能盡明無我也維無

過失而殿下疑之至此則在廷之臣孰有自安者

乎自此朝廷無完人殿下無信臣而上下疑阻庶



事叢勝此睽孤亂亡之道也况古之聖人欲知公論  
而在而未悟本原之地則必察於輿論野以賞罰恒  
得其中而無過不及之弊也今上自三公下至國人  
皆曰張維不可黜斥伏願 聖明舍己從人採納公  
論亟 賜俞音還收成命

請革罷宮家罰金啓

殿下問國家之板蕩慮生民之倒懸既已罷御供罷  
貢物矣至於 祭享重事亦多裁減而獨於魚鹽一  
事牢拒至此無乃 殿下之視諸宮重於 宗廟耶  
宗廟諸宮輕重自別以 宗廟之重而猶能裁省

則獨於諸宮之輕而有此持難者何歟 朕下又以  
革職既多所留些少為 教而宮奴作弊其來已久  
前金吾在處蔓延侵虐靡有紀極諸宮牙人者零星  
而海民失業若居半不斲其根則無以救無窮之弊  
矣況今大亂之後人心恐叛變異層疊比前日不啻  
百倍則豈可以 先朝所賜而不思大變通之道以  
示私意於臣民哉請諸宮家監盆漁箭海水立案稱  
云處并 命革罷

請罷黜全羅都事朴慶元落

全羅都事朴慶元不謹於科舉重事監試初試未記



場也前書皮封預出題之說傳播於道內既設場之  
後舉子等疊勸試官以難從之請皮封勿書謹封改  
題十五度然後乃可製述云而齊會唾罵試官等畏  
縮一從舉子所請竟為白皮封改出十七題徹曉製  
述苟且出榜有識者皆閣筆不作其終始處事極為  
可駭 祖宗朝科場嚴密之典至此盡墜矣請全羅  
道監試試官亟 命罷職且拔去其榜士子浮薄之  
習亦不可不懲首唱舉子令本道監司查出定罪

憲府罪因事避嫌啓

臣等去初八日齊坐時下吏等齊進告曰本府舊吏

朴尚健李義男等嫌其涼薄投入他司經亂後此弊尤甚將不成模樣請還差使喚臣等欲杜其弊使之還差矣昨日城上所有故臣代子往祭時下吏等喧呶於牆外擗惡之聲亦聞拉耳使陪吏禁止則下吏等齊進曰舊吏李義男者怒其還差來此發惡毆辱無厭拔刀欲刺人故欲奪其刀致此喧鬧遂執其吏以刀來呈臣以爲白晝拔劍罪名重大欲俟後日齊坐處置械送典獄姑使拘留則托以白帖不卽囚禁亦不稟報以致逃遁擊鐸此不過欲免死罪故作此變也所謂白帖勿拘者蓋指上司以不干之罪濫問



者而本府則開印必待備貧齊坐如此重囚亦不拘  
留則未齊坐前當置何處以此達臣前日講定自  
上已有無長官亞長則白帖亦可之教矣昨日長  
官呈辭故不得已使之拘留而該司官亦不舉行致  
有作在此無非臣見輕下司有此無前駁異之變請  
命鑄削臣職以重法府體面

書

與李泰判景奭書

尚著白伏惟冬寒令體萬福前修一書付于崔右尹  
令公之行得達否尚馨喪免之後宿疾益苦連有

息命末由赴謝杜門竢譴久矣頃見 遙席啓辭惶  
懼益甚未知取措况今是非倒置忘君負國之人皆  
免刑章而守蹈涿之節者還被訾斥世道之橫流誠  
可寒心無任好惡非取論於庸沲而前日錚錚者亦  
主此論引避之人全不舉大義病中孤懷自不平也  
衰疾蹤迹<sup>齟齬</sup>於後進間當此時危進退皆難倘有  
兩南閩邑<sup>策</sup>未可圖擬耶簿書尤非痼病人所堪  
而未知措身之地生此妄訃吁可悲也專恃眷愛冒  
陳私懇幸望留念焉

答吳進士添慶書



尚馨頓首白伏承哀札從審靈炎孝履支安感慰實  
深日月不居初期奄迫摧痛如新何以堪過尚馨頑  
命不死於草土病喘苛全於圍域忍見今日事信知  
辦死生之難也 廟堂無人羣策莫伸綱紀已失萬  
目皆廢此後未知稅駕之所也如尚馨位卑言輕消  
涯無補城中之䟽留中不下三臣之劄又 命出給  
盡朝之鳴只忤於時再䟽乞解亦未得請適有 命  
牌病未能進劄罷而還雖似未安幸則幸矣此生於  
世更無所望不欲自銜孤直辱招拳踢祇可養疾閒  
中以畢餘年則私計可謂得矣清汗慙已飽矣不必

更有所事則唐船雖或蔽海豈有容易問罪之舉  
皇朝洪量縱無見責於他日綱常廢絕至今未有陳  
奏之事恐或不逞之徒因此藉口則將何以為計耶  
只冀庚炎從禮自愛

荅俞察訪浞書

昨承一紙告別日已昏暮未及修謝達夜耿耿古人  
詩云千歲鶴歸猶有恨一年人住豈無情蓋善寫情  
境也尊以少年知舊住在近隣而身在大病中未做  
一日良晤今又告此濶別病懷益覺悽然尚輔令公  
時在異域歸期未定尊歸索莫之懷必倍於生也只



祝凍程行邁萬安歲寒益加珍蓄

答趙察訪平書

尚馨稽顙再拜言伏承前後手滋備審靜履珍勝衰  
慰不已來諭警誨策勵良勤期至玉成之地深感且  
報尚馨性拙才疎與世齟齬遊宦之念不期自絕平  
生野嗜只在經訓而不但衰老病侵廢閣已久朽木  
難雕尚未立誠踴過一生恐未免鄉人而死也目前  
顯著之地猶覺十病九痛何能省察於細微疵吝乎  
苟能知之踐實亦不難矣隔濶至此山館必靜欲俟  
日暖回事一往而非徒襄經出入之未安亦恐氣力

之不逮也

上沙溪先生稟目

近思錄疏愚篇中不知戒其出汝者歸咎其不出汝者前見退溪之釋不知也意止於不出汝者之下讀之每覺曖昧不明以尚馨管見則不知之意當止於出汝者之下蓋謂戲言戲動出於汝者所當自戒而或者不知致戒過言過動不出於汝者不當歸咎而或者反自歸咎此所以長傲且遂非也如此讀之則似得上下文理明白前後語意照應而退溪采谷兩先生所釋不如是故不敢自信近讀性理羣書歸咎



上有反字註說亦分明不似葉註之矇眊有兩不知字也此則尚馨之野見偶與之合矣商訂賜教如何  
荅當從葉氏及退溪栗谷說性理羣書加反字非是趙孟頫及雪菴野書東銘有反字皆非也

橫渠先生說中每日須求多少為益知所無改得少不善此德性上之益止此問學上之益也此兩端栗谷先生亦以為踈崎難讀而尚馨前日所見則先言一益字以示學者日日求益之意而分開兩益字以言德性問學之各有所益故須求多少為益之下著  
以讀之者久矣後看栗谷之釋又聞先生之言始

悟其非今見趙僉正遜所定講疑亦與愚生初見偶  
合然此則語句分明雖似易讀而全章文勢皆不如  
此更賜教如何

答此說鄙自少時從栗谷以朮字釋善字下為句  
絕近年見鄭時晦之註解改前見以為益句絕作  
可以通德性問學二者為益者以退溪及鄭守夢  
之說欲定之高明之意亦如此恐為得之子集云  
栗谷解似長蓋須朮字及上下多少字相為收殺  
頗有意味若以益屬上句則為字似短且知野  
改得少不善語句短澁殊無意味上文今且將尊



德性道問學為心日自求於問學上有所背否德  
性上有所懈否云者只是欲學者以是為心而日  
求之乃為初學勸勉之言若從退溪守夢釋則知  
野心改得少不善專言行也無點檢日自求之意  
與上文持二者日自求文勢不合而栗谷說則雖  
屬於行而專言日求點檢之事與上文互相收殺  
也愚更考之為益句絕文理短澁之說果似然矣  
鄭時晦之意以知所心乃知之事屬於德性上未  
穩故欲避之以他意看之然先知後行與栗谷也  
意無異也

買乳婢章但有貲費下粟谷先生著以每讀至此  
不能無疑貲謂若不幸致誤其子害孰甚焉者以文  
勢觀之則其子即主人之子也蓋謂買兩乳婢而畜  
養則貲費必多然不幸而致誤其子則誤子也害甚  
於貲財之害也云爾乳婢之殺己子而專食主人之  
子必不忍為以一乳分食兩兒則不無致誤之弊其  
家亦恃一乳母而不幸乳母死則亦有致誤之弊所  
費雖多不如買兩婢之萬全也然則但有貲費下當  
著以然後似為恰好未知如何

答若不幸致誤其子者乳母之子也因上文回已



子殺人之子而言也粟谷著費日計爲是

通書聖可學乎章一者無欲也盖一字誠而已矣心上閑念千頭萬緒皆由於不誠苟能持敬而至於立誠則私欲消盡一理昭融所謂無極之原而聖人之本也此周子極至之論而兩程不從周子也論又以无妄釋誠何歎尚馨意以爲欲與妄一也而無欲云者似涉空虛老佛亦能之妄字無人事上說必改以无妄然後徹上徹下尤爲精密程子也意盖亦以是歎

心經西山真氏註論精一執中與克復爲仁異而同

者詳盡無餘溢蓋人心道心不過天理人欲之分而已食色亦屬人心則人心固不可全謂之人欲然聽其自肆而不能遏制則終為人欲而已克已復禮亦不過克已私復天理而聖人不曰復理必曰復禮者豈不以理字高遠而無下學執守處故必以禮字言歟禮字通於下學上達而聖人之教必欲從人事上達天理然則博文約禮之禮字亦如是歟先儒每於禮字謂未穩必欲易理字而後已者似有此意思而終不說破抑欲學者有暇自得耶

子謂顏子三月不違仁其餘日月至焉仁者大抵無



一毫私意而已蓋公者義理之源私者利欲之根必  
克去私意然後義理昭著學者持敬一日無一毫私  
意則一日不違仁也二日無一毫私意則二日不違  
仁也積而至於一月則取謂諸子日月至焉者也至  
於三月不違則顏子之所以幾於聖人也用工之方  
專在於程子所謂涵養須用敬而必以進學在致知  
雙言之蓋存養致知不可偏廢者而致知主思思則  
閑念紛起不能寧靜私意間出仁之所存者幾希此  
由涵養之功未熟而然耶聖人動亦靜靜亦靜而常  
人一日不能靜仁之日月至焉者亦難矣此非學者

之所當痛省處乎尚馨於致思上用功久矣或有通處而心界依舊走作昏倒未能收得此由持敬之工間斷而誠有未立而然歟

子謂曾子曰吾道一以貫之門人問之則曾子對以忠恕夫忠恕為一貫之意每恨未能了悟及看二程全書伯子耶謂維天之命於穆不已不其忠乎天地變化草木蕃不其恕乎之語然後始悟其一以貫之意然此天地之忠恕也聖人之忠恕亦與此同而學者忠恕則未可遽議於此當有下學也工夫忠者盡己之謂恕者推己之謂必盡己而後恕可以推



也蓋吾與天地萬物一理一氣本為一原而畦畛楚  
越未能相通者私意為之間隔也學者必主敬體仁  
克去己私然後可以盡己之性而為忠也若有私意  
間隔則父母兄弟間亦有物我怨安能行乎古人所  
以老吾老以及人之老幼吾幼以及人之幼一夫不  
獲若己推而納之溝中者以能盡己之性而無一毫  
私意故也然則忠者誠之異名而一者誠之謂誠則  
必一一則必同於萬殊也此忠恕為一貫之意而其  
用功之方則必由主敬行恕而可以到此地位否以  
上四條愚見如是而未知必合於先儒之意折衷賜

教如何

答下四條野論大槩得之至於第一條通書下  
謂無極之原此言恐有病未知無極之上復何有  
原乎其中靜虛无妄與克己復禮必訓作理字之  
說真佩服省念也甚善甚善

承重孫無後只有曾孫妻而婦人無主祭之禮支孫  
之為玄孫者當奉其祀耶

答承重曾孫已死則不可以其妻生存之故計代  
數若有玄孫生存者則當奉祭祀也

一入奉外曾祖祀者虛其室堂一間奉安行祭矣及



其年老無後可居屋舍弊壞移處蝸室後神主則移  
安無所或云即可埋置只於俗節祭墓似宜未知何  
以則情禮無尤耶

答奉外祖無子孫之主至曾孫便埋也似為未安  
喪人病羸朝夕饋奠不得親行則在寢房哭泣情則  
然矣但於禮貌何如且有不得已事離几筵在遠方  
則只於朔望望哭而已乎若在墓廬則朝夕上墓哭  
乎朱子喪中寓在寒泉精舍未知何以為禮

答喪人有病不得齋上食則在寢房哭泣與否何  
可定禮且在遠方則無哭泣之耶似不得行禮也

在墓廬則朝夕當上塚哭也若墓所稍遠則望哭  
似可朱子喪中在寒泉時行禮節目不能詳知只  
有常在寒泉朔望歸奠几筵而已

奉命出使他國不幸身死則以柩將命古有其文若  
聞父母喪或使事未了或遭變亂值風波未能赴時  
奔喪則當行成服而家禮無成服一節者何耶

答不能奔喪則當成服家禮變服之變字恐成字  
之誤也

三年之喪既葬未久若家有染疾勢在避出則朝夕  
上食何以為之以初終襲後即設奠之節觀之使神



依食之意惓惓焚畢神主新成與初喪魂氣未定不  
甚異也在寓所設几筵行之如何奉出神主或有難  
便書紙榜上食亦何如

答以癘疫不得已出避則奉神主行上食似宜書  
紙榜上食又其次也

家禮忌祭之文前期一日致齋而變服不食酒肉等  
事皆於忌日內為之世俗前期三日素服致齋不食  
酒肉此禮近厚從俗無妨耶

答忌日前數三日素服不食肉似為過中不食肉  
一節前期一日不食固無妨鄙人壯年前期數日

不食肉到今年深只一日不食肉亦未為當也此  
等禮雖從俗可也喪服則不須從俗也

祭用玄酒之意略見於禮記時祭有設用之文而忌  
祭則無其文三年之喪始設於卒哭又用於祔祭而  
練祥之祭不用何耶

荅玄酒用之於卒哭向吉之祭又見於祔祭及時  
祭矣小大祥禫及始祖禴祭忌祭則蒙上文上同  
之文更不逐條言之無可疑也

家廟室日設茶也禮國俗不用假令得某物為茶非  
常時所用則亦似未安以清醴代茶用之如何



荅茶非生時所用之物不須薦用

庶孽與士夫每事必有等差而至於尊其親之道似  
無有異題主稱以顯考妣無妨否考妣者父母死後  
之稱似非崇號去顯字只稱考妣何如或曰妾子題  
母之主良人則當以母良人某氏書之賤則以母廢  
人某氏書之此說何如

荅庶孽雖賤尊敬父母之道豈可異於他人當稱  
顯考妣無疑矣但妾母之子朱子云避嫡母止稱  
亡母而不稱妣矣母之良人廢人為其子者不必  
分之但初喪書銘旌其子不與焉護喪之人所為

也國法庶人不可稱某氏銘旌恐當書某姓之柩如何

一人家神主遭惡火汚辱之變至於不潔則當洗滌而改題耶抑亦改造耶若必改造則題主後舊主如魂帛置於其旁設奠告辭後埋之墓側耶

答若不得已改神主則舊主埋于墓旁似可

人有無嫡子者只有婢妾二人二妾所生長子皆癡頑悖戾不可承祀有次子稍賢遺命奉祀未及成文而沒則以遺命傳次子耶當據禮傳長子耶

答處長立少雖其父有文記不可況遺命何可從



也

應製錄

祭文

箋

教書

不允批荅

章陵陵上失火慰安祭文

回祿燭灾焰及寢園言念震驚怵惕靡安茲遣重  
臣展省兆域告慰陟降冀歆洞酌

仁順王后神主改造慰安焚香祝文

德薄獲戾天篤降割廟貌蒙塵木主見失改造維  
新馮依如舊處奉告慰益增悲疚

宗廟九室慰安焚香祝文

否德致禍廟貌播越蒙塵既慘忍見淪沒舊室還

安衣賴威靈齋沐告慰神其永寧

肅寧殿 王世子親祭祭文

銜恤異域祥禪已闕於我何哉昊天罔極再瞻梁栢  
孺慕彌篤事非獲已行期又卜曷月方旋齋沐以辭  
祇薦洞酌庶幾格思

肅寧殿 王世子親祭祭文

遭國多難含恤異域義塙莫憑霜露屢易祥禪已闕  
久闕躬享寤寐纏痛負罪天壤今又遠離孺慕彌新  
逢罹靡室也遠無因誠文可舉俎豆是陳陟降如在

庶歆明禋



金溱五子登科致祭祭文

惟靈業精弓馬名擅州黨有才無命抱恨泉壤天錫  
甫類俾熾而昌餘慶不替五桂聯芳白眉腰金尤著  
忠壯墨襄臨陣死事可尚式舉彝典丕示寵獎泉臺  
有知庶幾來饗

卒監司鄭孝誠致祭祭文

惟靈明剛之資精敏之質莅事勤幹寔孚名實歷敷  
中外非由科第累試專城到處留惠剴劇奉公不避  
怨謗尹釐江都固我保障丁卯寇深益著貞亮暨察  
潞西亦得人望暮蔭當官聰明不衰永檠自守寧讓

四知一家父子千載風雲邦運極否大亂斯臻主將  
失律滿城魚肉爺兒并命闔家全節感念幽明無寐  
泉塗英風尚烈愧彼全軀遭時板蕩益軫予心遣臣  
致哀庶幾來歆

卒寧社功臣崔山輝致祭祭文

惟靈簪纓世裔詩禮家聲早年筮仕不階科名歷試  
郡邑頗有聲績慈祥留惠廉簡自飭往在戊辰孽臣  
謀逆炳戮先告克施天戮功存社稷名映勲籍云胡  
無祿遽至不淑言念功載寤寐泉塗以子知父缺缺  
無辜不負忠孝無愧永錫沒有餘哀致禮寃靈其



不昧庶幾歌格

率同知中樞府事朴蘭英致祭祭文

惟靈早起寒微恒懷疾弓刀發身行陣展力戊午  
西征名隸部曲元戎失律淪陷虎口間閔歸朝責效  
滌垢銜命殊方備嘗險阻邦家不天大亂斯棘周旋  
敵陣寧畏斧鑕對不易辭竟被慘毒死事有光增予  
愴惻惟彼偷生能不慚覲泉塗有知歆此菲奠

卒平安監司李碩達致祭祭文

惟靈杞樟時材簪纓世裔早攀龍鱗緬決科第歷試  
郡邑聲績居最莅事勤幹臨民愷悌律已剴煩威惠

并布分憂保障搃戎門戶游刃恢恢盤錯利器陞授  
方面蓋亦注意一隅長城庶幾有截邦家不幸遽有  
斯疾年紀方壯猶望勿藥旋聞玉折天奪何速時當  
艱虞益軫痛惜遣宮致哀庶歆訶酌

中殿冊封謝恩 皇太子箋

前星耀彩欽願戴之仁聲法服䟽榮荷導宣之休命  
龍光遠暨黼域同歡伏念 臣 偏被隆私僅紀墜緒當  
桑榆之未暮遽缺內儀念蘋蘩之無尸幸備中饋豈  
料聖慈之曲念不待藩奏之屢煩冠裳既錫其便蓄  
綸綍又申以渙汗琅函玉檢燦爛七章之文鳳翥龍



騰丁寧一札也旨伏遇云云令聞疊疊成性存存四  
德同愆孝敬克彰於震位萬方勗望元良允協於乾  
文遂贊柔遠之猷特頒延爵之數臣敢不菁茅輸貢  
葵藿傾心水折必東詎暫忘於小海星環拱北庶永  
瞻於太微

方物箋

冊命揄揚偏承雨露之降土物菲薄敢獻芹曝之誠  
右件物等產異楚苞品慚周篚竊效雀環之獻聊陳  
雞戟之儀

教江原道觀察使兼兵馬水軍節度使李滸書

王若曰識誠臣於板蕩曠能捍我于艱別利器於盤  
根食曰非卿不可誕告用賈惟既厥心惟卿永襲家  
聲箕裘世裔安劉必勅早抱經濟之謀惟尹暨湯適  
遇風雲之會功勲不在人後才德毋忝甫先鐵券丹  
書旣參麟閣之畫朱幡皂蓋案選鸞棘之棲顧茲闕  
東之險要實同河內之磽确雖在豐亨之日尚患蘇  
完之難矧今塗炭之餘尤重撫摩之責疇膺選命莫  
若勲賢茲以卿爲江原道觀察使兼水軍節度使巡  
案使卿其體予寵章勉乃職事瘡痍溢目帛瓦問生  
之當先撫字勞心救焚之拯溺宜急流亡若何振業



黜陟務盡嚴明撰眷陵之苦詞當效元結舉古人於  
職法毋讓蘇章悅民貴乎推誠服人在於潔已予敢  
多誥卿亦熟諳處決小官何待奏聞係關大辟宜稟  
指揮於戲凡百可虞無一足恃言念在宮之辱處崇  
高而何安式遵分陝之規盡忠蓋而不替故茲教示  
想宜知悉

左議政缺缺再度呈辭不允批荅

王若曰安危在大臣方切注意於篤恭進退關時運  
豈合控辭於艱難訖可三思毋庸再讓惟卿才堪鼎  
鼐名動播紳潛援五龍辦乾坤旋轉之績連躋九棘

著經緯密勿之能功業莫與爭焉朝著無出右者頃  
緣邊禍之兆構益驗神鑑之精明悔不用蹇叔之言  
貽辱宗社仍復起張浚之廢擢位台司惟其抱貞

亮之心是以殫夷險之節間闕敵陣解紛豈待於汝  
偕險阻殊方銜命不憚於吾徃念卿盡瘁靡鹽堅予  
委任勿疑信如蒼龜之靈與同休戚待以柱石之重  
毋負始終况今時事艱危惟待宿德弘濟豈料仰成  
之際遽上乞解之章伊寡人倚毗之誠雖或未盡惟  
元老辭退之道寧容自輕綠野倘佯在滄蔡蘆平之  
後畫錦嘯詠際慶曆亨嘉之辰此誠何時草動也民



心靡定事無可持土崩也國勢如絲忍說凡郢之屬  
難忘在宮之辱方將上下之勤恤以期基命之維持  
敷心腹腎腸誕告予意作朕肱耳自惟勉厥心勿以  
去就為辭宜思輕重所係於戲務存大體毋滯細規  
捍我于艱固當為國盡節保后胥感何暇俾躬處休  
亟回邀心須體至諭所辭宜不允故茲教示想宜知  
悉

右議政沈悅呈辭不允批答

王若曰勢未能支方念國步之多難義不可去寧容  
家髦之遷荒咨爾股肱惟良聽予心腹之布惟卿通

明資稟績密謀猷才合經綸朝廷無出其右功多翼  
亮社稷可賴而安素知致理之方益殫匪躬也效初  
司地部詢度不乏於艱虞旋代天工篤集慶期於夷  
險惟卿抱負也重故予諭留之深彌綸大業之斯期  
任之專也震撞百青之收萃委而裁之何圖注意之  
隆遽陳引疾之懇豈時事之剝渙未可有為將予誠  
之薄涼不得安位存羊愛禮寔欲遵於舊規引咎潔  
身夫豈合於大體況今國步之方治抑亦天灾之沓  
臻縹緲經兵火也蕩殘瘡痍未起仍遭飢饉之荐慘流  
亡可哀復念北門之殷憂休慕東山之高蹈辭軒冕



而自逸此豈懸車之時慮霄旰之方深未知稅駕之  
耶永肩同休共戚之義益軫持危扶顛之謨桑榆暮  
年回知夙夜之難任豈第令德必有神明之耶扶掖  
戲人望難孤予言不再邦其淪喪之可待卿豈在家  
不知事堪痛哭者固多予實爲君無樂母拘小嫌之  
避務思大義之歸亟回還心式副至意所辭宜不允  
故茲教示想宜知悉





天默先生集卷四

祭文

王果縣祈雨祭文

敬惟明神鎮茲近土興雲吐霧澤施斯普一方受賜  
雨暘時若今也屯膏胡至此極節屬南訛旱魃為虐  
山川焦竭田疇龜圻罪在守土實慚罔德澤不下究  
誠未上格獲戾神人致咎宜然顧茲蚩民何辜于天  
旱沴連歲十室九匱遑遑困頓大命近止耗斁又極  
胡寧忍此哀我殫人靡有孑遺費隱雖異神人一理  
洋洋在上無物不體况爾有神主此雷封威德無私

有感必通茲莫菲薄顧察誠衷油然而沛然既沾既足  
蘇我疫癘生我百穀至澤在人報賽可期毋我數遣  
庶幾格思

祭沙溪金先生文

維崇禎四年歲次辛未十月辛丑朔十八日戊午門  
人通訓大夫行玉果縣監李尚馨謹以酒果之奠敬  
祭于沙溪金先生嗚呼先生篤實之性明肅之資本  
之天得不自澄治家庭詩禮師友牛果淵源所自灼  
有階級上沂洙泗下緇瀛洛折衷微言口講心得由  
粗至精天理人事直窮到底若齊一指包紮廣大遠

澈精微真知實踐不差毫釐靜存動察外方內直循  
規蹈矩自造閭域既明而誠英華發外慶雲和風晬  
面益背德威禮恭見者心悅經濟初心不牖民物措  
諸事業綽乎有裕中遇艱貞如視坦途晚年際會素  
蘊暫試 法筵造膝陳閉其志隆平保運進退有儀  
靜養仁園鼓缶大耋辨註諸經永解凍釋考證禮家  
毫分縷析自成一書開我後學小子顓蒙晚出遐僻  
奔馳科業墮埴蹊徑趨隅門庠得聞本領永期依歸  
聊以卒業去春歷拜髭髮勝昔神明矜扶庶幾無疾  
豈知今日山頽採折天地襟蕪世道長夜士夫相吊



于朝于野曾聞此心萬古一絃氣或漸盡理或泯滅  
庶奉遺謨終始罔懈雖滿儀容不亡者在冀單長歸  
日月晦蒙靈其不昧庶鑑微衷嗚呼哀哉尚饗

祭丁晚軒 焰文

惟靈儒林喬嶽學海宗盟道德內積文章外形器量  
宏深河海混濶而難名巖形傑魁龍虎變化而不測  
半世工程尋矯緒於源洛一生心期效嘉猷於稷契  
涵虛義理致察事物發言中倫吐辭為經豈徒天質  
之粹美抑亦學問之琢成直道行藏隨時伸縮遇事  
剛果少不徇物貞離元吉大車宜載賢路由來難進

易退卷而懷芳乃老樂天命於丘壑謹言行於家庭  
成教化於鄉國三朝受恩一心拱北德邵耆造年高  
耄耋凝容晝夜鼓缶離吳考祥惟終啓手何忤嗚呼  
哀哉天生大賢初若有意德可長民文堪貢治使鴻  
漸於亨衢施心上之經綸臨大事乃決大議措國勢  
於泰山銘黻鼎芳被絃歌垂盛勳於無窮嗟齋志於  
下僚竟德施之未弘救浙東之饑荒監汝州之酒稅  
自前修而稱屈寧獨歎於今世非先生之不幸抑吾  
民之無祿然皇天之降才必損之而後益竊其身而  
空乏博其利於家食模楷士類典刑邦國維持襄世

綱紀賴俗開後進之盲聾聞先聖之幽蹟道有依而  
不墜學有賴而啓開九十年兮人間係時運之盛衰  
嗚呼哀哉惟我先生剛大受氣來既有為逝豈無以  
塞浩然於穹黃亘萬世而不沫游咸池兮略扶桑與  
日月而爭光乘白雲兮八帝鄉煥星斗之文章嗚呼  
哀哉小子冥行無相瞽瞍忝先生之門館承鐫誨之  
發蒙依道德之休光免禽犢之冠裳思再世之有加  
德一生之難忘那知今日梁木其摧幽明永隔德容  
難陪失所怙之餘生何不天之此極曾歲月之未周  
慘師喪之再哭聞靈輶之將駕痛此生之永訣無涯



長痛有淚難窮文以酌奠豈盡鄙悰然不在文惟告  
以誠不亡者存庶鑑衷情嗚呼哀哉尚饗

祭李二相直彥文

惟靈端嚴之資明睿之質不待澄治蓋其天得混沌  
真源聖賢精蘊無事科文了然透盡人千已一實由  
寡慾見諸行事不負明學事君忠愛律已清勤鐵面  
臨臺琴鶴莅郡內不欺心外不欺天神明所勞壽祿  
俱全八旬康寧位至二公德冠耆俊寵命日隆鄉在  
明宣賢才駢生冰清玉潔公與完平儀式三朝夷險  
一節國家蕃龜朝端喬嶽考命惟終在公何恨世無



元老士失刑憲小子質魯難離朽木早失活溪於何  
考德廢蒙鑄誨母忝門風滯病南鄉遽聞報凶沒未  
臨殮葬未執紼無涯長慟何處向泄秋水精神霽月  
顏色長留夢想如接冥漠嘗聞正氣剛大不屈充養  
已久肯隨化滅應為星斗耿照中霄或作山河以壯  
本朝今哭公私蓋亦不達氣或漸盡理無間隔前後  
聖心萬古一極既無古今焉有幽明不襲不慢守公  
典刑雖失儀容永保實地敬奉遺謨廢幾無墜造次  
顛沛或負此說九原他日更何言目費隱雖殊誠通  
則一洋洋在上庶幾歆格嗚呼哀哉尚饗

祭朴秘巖以恒文

維年月日李尚馨謹以酒果之奠倩祭于處士朴文  
之靈嗚呼哀哉惟我秘巖今果亡矣凶音初遽曾是  
不意既驚又疑猶未謂然俄聞擇吉將闋黃泉幽明  
一隔音容靡接萬事亾羊九原難作嗚呼哀哉盡哀  
以情不忘以德賦質亢介不撓于俗早尋師友知所  
立脚倘無君子斯焉取斯一部八德平生心思研幾  
極深采八閩域旁遊諸藝不師而得綴末純如畫總  
其略愛人溫和寒谷成煖疾惡嚴厲春叢零葉守拙  
居貞惟義是視生今慕古慷慨其志嗚呼哀哉殊方



流落幾悲桑梓雲外孤鴻失序哀淚生涯淡泊半世  
適遭一簞一葛矻矻窮年人所不堪公視泰然曾聞  
天道善類扶植信公於遠終未能達信公於壽壽亦  
終畱信善有人福善無天自古如此公豈獨然公以  
命安我為公冤嗚呼哀哉與我先君情若昆季去年  
丁憂痛迫叩地公即來顧既弔又挽羨公康健謂公  
長筭那知今日公又繼逝風樹餘淚又為公洒嗚呼  
哀哉顧余無似辱知門牆追隨几杖接袂連床春山  
朝榮秋溪夕涼間以村觴終以玄談或經或史惟古  
惟今貫辨融會極博以詳餘音屬耳至今鏗鏘懼娛

如夢悔恨方來羊腴未熟薤露含哀五更殘夢九地  
消息舊遊回首已成陳迹嗚呼哀哉寡婦無賴衆稚  
何托堂帷索寞溪山悽愁竹林無人蘿月千秋悲涼  
浮世一夢南柯天道如何吞聲者多嗚呼哀哉病未  
執手沒未視襲今將永訣又孤臨穴代奠以詞豈盡  
悃悞然不在文惟告以誠幽明一理廢監衷情嗚呼  
哀哉尚饗

祭堂叔李同知曄文

維萬曆四十一年歲次癸丑四月十五日癸卯堂姪  
李尚馨敬祭于從伯父嘉善大夫同知中樞府事李

公之靈嗚呼哀哉日月不居三奠已謝玄宅畢營素  
輅晨駕去向何方來在何辰口呼不應手挽無因一  
日之行一月之別言語刺刺猶不忍決富貴之樂骨  
肉之愛棄何容易視何蕩蕩幽明分路死生異歸此  
生攀拜浩渺無期諸孤號號何怙何恃親戚踴躍誰  
依誰庇言念至此痛哭何已嗚乎哀哉寬厚之性嚴  
肅之行孝於家庭睦於宗黨端方之器明敏之質察  
於處事厚於接物其在平昔疇不欽服今也則亡孰  
不痛惜惟姪野痛有甚於茲家世南遷宗族素稀繼  
以喪亡其餘無幾顧我險釁早失庭誨伯叔之行惟



時公在所依而安所仰而賴撫恤之深提撕之切恩  
踰骨肉義重山岳默禱遐壽庶幾永陪餘生無祿掬  
木遽摧自今以後余將疇依嗚呼哀哉富實無為貴  
亦不期官至戴秩財積千倉榮慶連因蘭玉滿堂公  
使有樂五福兼全積德收報夫豈偶然感應不爽福  
善肩天云胡嗇壽獨不期顧去冬微疾初未之危神  
氣猶茂起居自適中心喜幸百歲是祝邦知一朝禍  
至此酷嗚呼哀哉送客晝夜鼓缶大耋隨化而歸在  
公何憾獨行涼涼伊我何托觸事興感滿目增疚華  
堂晝掩萬象依舊陳迹荒涼已成千古百歲瞻望惟

彼墟墓臨奠長慟肝摧腸蝕人間情事只此一酌不  
亡者存庶幾歆格嗚呼哀哉尚饗

雜著說 題後記 銘 頌 通文 勸諭文

名諸孫說

易曰聖人作而萬物覩是故聖人作則四靈必至方  
今 國家丕運已極聖作物覩之時也歲用生得東  
方寅卯辰青龍之氣故名以聖龍字曰龍卿神龍負  
圖出河伏羲之瑞也見名歲用者用即龍之神珠也  
以人言之則才德是也易以歲用為難伊呂周召之  
後能藏其用者惟老子張良也孔子見老子曰老子

其猶龍乎邵子論張良曰智哉留侯善藏其用思慮  
未起鬼神莫知不由乎我更留乎誰能藏用之謂也  
皇朝劉基不能藏用故不得善終也藏器生得西  
方申酉戌白虎之氣故名以聖虎字曰虎卿召虎為  
周名臣文武之瑞也見名藏器者器即虎之爪牙也  
以人言之則智勇是也藏六生得北方亥子丑玄武  
之氣故名以聖龜字曰龜卿天文書曰玄武者龜蛇  
也神龜負書出洛夏后之瑞也見名藏六者六即首  
尾四足也龜蛇能蟄藏嚙氣故能壽能靈也藏王生  
得南方寅午戌朱雀之氣故名聖鳳字曰鳳卿天文



卷四

三十五

七

書曰朱雀鳳也文王時鳴於岐山周之瑞也兎名藏  
王者玉乃鳳所食琅玕之類也鳳能食玉故溫潤和  
粹外有九苞之文章內有九德之藏備也藏一生得  
中央艮丑坤申土金之氣故名聖麟字曰麟卿帝舜  
時遊於郊藪虞之瑞也兎名藏一者一太一也老子  
曰一生二二生三三生萬故麟能具萬物之象而德  
亦無所不備也甬等顧名思義退則以仁義禮智信  
五德藏修待用進則亦以五德立身揚名盡忠報國  
可也甲申仲春清明日書

知天說

世之求天者以天爲天求之於九萬之上噫天亦遠矣其所見者蒼蒼而已其所知者健行而已生成萬物謂之天則可謂也和天則不可運行四時謂之天則可謂之和天則亦不可蓋天在吾心而求之於杳冥之中不亦迂且遠乎天之理即吾心之理天之氣即吾心之氣在天者體也在吾者用也而人能充吾之理和吾之氣使天地位萬物育則在吾者反爲體在天者反爲用大哉聖人之功用也試嘗言之吾心之喜即天之陽和也吾心之怒即天之肅殺也吾心之明即天之高明也吾心之廣即天之廣大也故

曰大人者與天地合其德與日月合其明與四時合  
其序與鬼神合其吉凶和天之歛至此而盡矣天乃  
不言之聖人聖人乃能言之天則天與人果有異乎  
噫無私天德也至誠天道也人能立誠則無私無私  
則與天為一天果遠乎人果異乎故邵子曰一身還  
有一乾坤孟子曰萬物皆備於我此則所謂古之知  
天者乎

題韓非說後月課

愚嘗讀易至咸九五而始知感入之道惟在於以心  
感心至於上六之感輔頰舌則所謂尚口乃窮豈無



莫益或擊之禍乎何者說人以言而其感在心心者  
出言之本而言凶禍福之主也心為正則其言順理  
其說易感於說者之心雖有萬不同而愚者說也智  
者行之吾見其易未見其難也心苟不正則雖錦繡  
其口笙簧其說而說淫邪遁終不可掩愚者疑之智  
者怒之非徒怒之又從而伐之終歸於鸚鵡之階禍  
惺惺也就死此游說也所以難也韓非韓之諸公子  
也氏族韓也父母韓也骨肉毛髮無非韓也耶謂貴  
戚之臣死生以之者而欲托虎狼之秦以覆祖宗之  
國則實天下萬世之罪人而其心也險陂也草莽則

鈎吻也禽譬則鴟鴞也鈎吻之根不生芝蘭之莖鴟  
鴞之口不出鳳凰之聲則人誰愛之人誰聽之以此  
心以此說而欲遊說於列國吾知其困且難也而况  
好善惡惡天下同情故不善之物不善者亦惡之鈎  
吻生階其有不鋤者乎鴟鴞入室其有不殺者乎此  
非也所以見戮於秦而說之不行固不足議也噫觀  
非之說反覆百端有多少商量有多少權變自以為  
投機應會發無不中則何其妄也心者發言之權度  
而非既失之舌者斬身之利刃而非自蹈之是無權  
而稱輕重去度而量長短宜乎不識其心又不識所

說者之心而如癡蛾之赴火逆鏡之啖父為天下幾  
為萬古笑者也太史公譏非之不免而觀其所論亦  
多謬戾一部評議有違正理終至於為降將游說屈  
遣體受辱此何異笑百步於五十步也嗚呼以心感  
心聖人感天下之道而非固難責遷亦不知後之不  
讀聖賢經訓不務本領功程而馳騁於諸家修飾其  
言貌者尚監于茲哉

空中樓閣記 月課

有好樗居先生挾天風抱明月周流六合之內欲觀  
天下最高樓而後已歷岳陽而玩朝暉夕陰過黃鶴



而賞白蘋紅蓼猶以爲未也最後到洛陽步天津橋而得所謂空中樓閣者真天下萬世之大觀也高出人間之上迥臨八荒之外以天地日月山河大地爲雙眼底物所謂所立卓爾者而其廣大高明足以協吾心之可願也詳觀夫樓之勝狀仁山在上上接尼丘智水在傍傍逗伊洛城有不夜近曾皙之舞雩院有長春微虞氏之南薰也叩其所藏則髣髴乎夫子墻宗廟之美百官之富而三十六宮碁布星列萬象森然無物不在虛明生白一塵不到真吾人之安宅也觀其結構則以太極爲棟樑陰陽爲柱石五行爲

樓榭軒豁正直少無邪曲千門萬戶次茅洞開升堂  
入室愈入愈遠快者登天非俗人耶可階而升也前  
瞻無窮却顧無極者斯樓之廣濶也手探天根足踞  
月窟者斯樓之高爽也鸞飛魚躍斯樓之勝觀也雪  
月風花斯樓之佳景也登斯樓也則大而乾坤之闔  
闔日月之盈虛四時之來往世代之變遷微而鬼神  
之屈伸風霆之出沒人物之死生草木之榮悴千變  
萬化靡有紀極而莫不昭然森布於目中也樓之址  
在洛陽洛陽天下之中而中華之氣所萃也樓之創  
在大宋大宋午會之中而文明之運所旺也以如許



好基址降如許好運會則斯樓之作夫豈偶然哉乃  
興主人翁收襟而迎揚柳之風把酒而邀梧桐之月  
論羲文之心聞孔顏之樂起鴻濛混希夷真可與天  
地同流也徘徊遐想悟道體之無窮悲往者之易逝  
覽物興懷所感者多矣古今天下衆生之萬起萬滅  
者紛不知其幾許而甘羔甕裏鹽鷄煎熬火宅之中  
曾不知有此樓之勝樓之一毀更無建者豈不悲哉  
噫樓有成毀而樓之景萬古長存先天地而權輿後  
天地而不滅後之欲修斯樓者砢砢孜孜等高自卑  
先治夢覺之關則可以知此樓之階級矣終達人鬼



之關則可以盡此樓之光景矣主人雖去門戶猶存  
留與萬世大庇天下使後之人隨其力量所到無不  
得一度之快則主翁之惠後人可謂至矣而作斯樓  
者其亦有意乎主人者誰安樂無名公也

貫道之器銘并序月課

易繫曰形而上謂之道形而下謂之器蓋道者無形  
之理而器者有形之物也理秉氣而成形形抱氣而  
截理則無形者固為有形之本而有形者實為無形  
之器也有形者為器故凡天地萬物之成象者皆可  
謂之器而其中文字乃有形中尤精微者也無形者

為本故凡天地萬物之賦形者皆本於道形形色色  
雖各不同而未嘗有道外之物況文字雖出於天機  
實吾人之尊為明道而設則是固寓道之器也為文  
而無道可徵則將焉用彼器哉易始於三皇書始於  
五帝詩始於三王春秋始於五霸是實器之奇者而  
皆所以載皇王帝霸之道使天下後世因斯器以考  
其道也斯文既喪大道亦晦世之為文者徒知有器  
不知有道癖如元凱工似相如非無勤苦也功綺麗  
之觀而反為無琴也匣無珠之櫝或者自以為奇珍  
而永欲傳天下誇後世豈不悲哉昔方輿之相馬不

識牝牡驪黃越人之醫人不計肥瘠苦歎得其無形  
之妙而忘其在外之器所以謂之神也文亦貴乎造  
道苟深於道則所謂理達之文不期工而自工何待  
於器之雕飾乎大抵自太極觀之則陰陽亦為器自  
五行觀之則天地日月山河草木凡萬形之可見者  
皆為器其為器不亦工乎而是孰使之工哉實有一  
以貫之之道存乎其間焉耳為文者苟得乎此則藏  
器於身左右逢原操縱闔闢亦不離於道而廢幾乎  
作者之聖矣然此可與不器者道非斗筭小器野可  
窺測故任斯銘名其義而因以自警銘曰



先天有物本無聲臭神聖議擬人文始備闡發幽深  
推明玄秘無微不貫大哉斯器王風一死知道者鮮  
鸚鵡其言燕石自銜繁文滅天大道墜地天球非寶  
瑚璉矣取盱貴於器一以貫之有德有言文不在茲

全階頌月課

惟皇作極至德無私垂衣拱手泐穆何為天地自然  
帝乃則之階不埒石襲土之宜莫謂階卑三皇我域  
莫謂階隘八荒我聞薰風吹階奠英歲難瑞雲籠階  
鳳凰來儀治臻大同澤流雍熙斯階一頓至道一表  
刻民自私彼何人斯瓊宮瑤臺九層猶卑簡易大業

邈焉難追於庠帝德與天無疆賡歌擊壤千載洋洋

丁卯胡變通諭本道文

佐即吳暹檢閱金汝  
鉅正字辛應望聯名

嗚呼國事至此痛哭之外夫復何言此誠臣子竭力  
盡瘁之秋也某等隻手殘力面報無路只以一死為  
決耳昔在壬辰之變七路蹂躪廟社西遷惟我本  
道幸得完全忠義之士金千鑑高敬命父子崔慶會  
諸賢咸能奮發糾合義旅推鋒爭死通國家之命脉  
成恢復之根基三戶潑南實是晉陽至于今日又遭  
閭極之變追踵前人之武以急君父也難豈非吾  
輩之責乎念我諸君子忠憤大節素所蓄積固不待

人言而以義相勉不得不爾伏願一邊募粟一邊募  
軍同心戮力弘濟艱難幸甚

王果縣勸諭文

臨民之責莫先於正風俗風俗之正莫先於立倫紀  
自廢朝以來三綱滅九法斁人心風俗日至傷敗列  
邑皆然本縣尤甚名爲士大夫而或廢父子君臣之  
倫猶不知其極惡大罪則矧有望於夫婦有別長幼  
有序乎凌辱鄉長虐使正妻多行不忍聞不忍言之  
事比比有之其他捏造虛言誣陷地主橫聚結卜  
侵虐小民尤是此邑之惡風而其來舊矣太守德薄



才拙猥佩縣符尋常職事亦不能糾舉况能淑人心  
正風俗乎然在官一日則當盡一日之責而舊染之  
習不可猝變姑舉兩條以示梗槩諸約正悉以舉  
從實論報廢使爲善者勸爲惡者懼則庶不至禽獸  
之歸也

### 勸勉德業

取謂德業者孝於父母友於兄弟和於夫婦睦於親  
族親於公上悌於鄉黨篤於操行勤於學業兩班守  
靜小民力農

### 禁抑過惡

所謂過惡者不孝於父母不友於兄弟不和於夫婦  
不睦親族不忠於公上不悌於鄉黨浮薄敗行奸  
妄造言貪鄙好利忌克害物士族侵虐小民小民凌  
辱士族

鎖言 凡十一條

夫天地之初惟一物而已一物本自無聲無臭何嘗  
有彼此爾我之間哉自一分而二二分而四以至於  
十百千萬愈分愈細愈細愈繁始各有萬物之名而  
畦畛迥隔方寸楚越始相各焉終相戕焉此一本之  
化所以不行而萬物皆失其所也原夫太極分而為

乾坤乾坤分而為六子六子化生萬物自未分而言  
則天地萬物皆一理一氣而已自既分而言則天地  
一物日月星辰各一物也江河山岳亦各一物也微  
而至於昆蟲草木之細亦各為一物而位育之化不  
行漸至大朴之散矣此天地之理以蕭索而日就  
澌盡也故窮神知化者洞悟一本之妙天地亦一我  
也日月星辰亦我也山河草木亦我也所以必欲萬  
物之各得其理也以此 啓之如何

右答王堂奉

傳教所問

孔子到乾卦顏子到泰卦蓋天理人慾消長與陰陽



消長同焉一月三十分而陽一分長則陰一分消自  
冬至至四月則陰皆消盡而純陽為乾是孔子也自  
冬至至正月則三陽漸長而為泰卦天理主張人欲  
退聽工夫已造乎聖域矣自然過二月大壯三月夬  
而到乾所謂顏氏之于其庶幾乎有不善未嘗不知  
知之未嘗復行也易曰不遠復無祇悔元吉 右荅鄭

愚伏經世論十二辟卦

先天卦離在正東卯也坎在正西酉也春秋陰陽之  
氣始盛於寅申故以寅申為陰陽之限也卯酉則已  
盛故不取蓋怕處其盛之義也 右論王齋胡氏坎離

陰陽之限者就寅申而言

太極者理也理一而已陰陽者氣也氣有動靜之殊  
四象者形也形有五形八卦者數也數有吉凶

王魯齋曰太初氣之始邵子曰太素色之本太一數  
之始太極道之極然則太極者氣與象數之源也中  
庸註曰氣以成形而理亦賦焉此之謂也雖出於理  
而死生禍福吉凶皆決於數耶謂八卦定吉凶也

水者氣之始火者氣之再也故一六為水二七為火  
一者生數之始六者成數之始也二者生數之再七  
者成數之再也水以成形無火則不成水火相濟

後有形有成故張橫渠曰水火氣也故炎上潤下  
陰陽相為升降不得以割焉木金者土也集賢  
性有水火之雜故不之為物水漬而得生火熾而不  
能得土之厚故水火之交也金之為物得火之  
精於土之燥得木之精於水之濡故水火相得而不  
相害謂之朋友之義也耗益得土之精實於水火之  
際也土者物之所以成終者也

陽數生於一而終於九陰數成於二而終於十故洛書之數有九宮虛十數萬物成則必  
死皆由十數之宮也天有八門地有八方合中宮



九宮故天有九星地有九山八卦合中宮爲九宮

易繫曰一陰一陽之謂道易以陰上陽下爲泰乾坤

虛中

八卦皆以中畫爲太極以上下二畫爲用

則巨陽巨陰故爲老陰陽

未能生成坎爲虛中則上下巨陽巨陰故未能生成

震兌虛中則陰上陽下天地交泰之象如男女成婚

生成之道也艮巽虛中則陽上陰下雖曰不交如人

之未婚嫁男女將來無窮故亦爲旺相卦

凡山川者五行也五行者陰陽也

野謂天者星辰星辰氣也野謂地者山川山川形也

形氣相屬故曰山川本是星斗形星斗本是山川精

山陽也炎工水陰也潤下故水又過山脉之虛處地  
中有山脉則不得過也

程文

冬至賦

自乾坤之肇判有二氣之錯行春與秋其代序互消  
長其分明觀四時之來往深有感於此日當衆陰之  
凝閉迴一陽於剝極斗柄建子黃鍾應律月申黑道  
日行南陸添一線於宮裏動六管之浮灰弛玄冥之  
嚴威鳴地下之殷雷惟一元之不息寥條達其生氣  
屯泰來之微漸動萬物之生意始芸香而荔挺將舒

柳而放梅咸替舊而就新信暎氣之潛催百官駿車  
奔走賀元氣也有復元一歲之曆首三百之日嗟天  
道之旋穆兩儀來往而已自春生而秋殺紛升降而  
不止陰始萌於仲夏至十月而極壯迨風霜之搖落  
陽疑無而消喪幸碩大之一果不見食而尚在木有  
復生之時陽無可盡也理天機動於半夜由地底而  
倣載吹寒燼也微焰起陰罅之羣吠昭初九之一爻  
有餘脉之不滅寔三春之諸陽咸自此而著發偉天  
道之流行日發育其萬物咸盛衰之有數豈但二氣  
之反復惟人生各有太極具健順於性中應萬事而



出入本虛靈方無不通因物累之所蔽乃厥初之或  
戕然一端本明之體終不至於牿亡當夜氣之或萌  
是羣陰之一陽彼匍匐而又并我惻隱之拳如驗端  
倪之所蔽識本體之權輿惟不息而自強火始燃而  
泉達推此理而見之亦可比於邦國當其國黃斯頻  
道義昏塞陰類用事雨雪其旁有人特起義氣堂堂  
十寒一曝嚴冬春陽致其君於堯舜閑小人之為惡  
惟去奸而用賢是在陽而斥陰蓋大人一理豈有彼  
此肆古先王順時撫事閉關息祿輔相天地箴曰順  
天之道惟我 聖辟審厥用舍明厥黜陟操存此心

克明峻德何以克明因其所發擴而充之與天為一  
忘者氣也帥賦

天地之即吾性為人各有此太極然形氣之所後者  
摠行屍與走肉苟非此忘之為將者吾知難免於胥  
溺肆百體之從令者認統御之有術原厥初之生民  
者稟二五而成質清濁之既有異者亦粹駁之不一  
彼九竅之分官者暨四肢之司職皆不思而蔽物者  
矧多方而引欲手足喜其安逸者耳目娛其聲色夫  
孰非氣之耶為者儘誘物而馳逐是體中之賤小者  
譬無將之徒卒有寇攘而投閑者或憑陵而抵巇丹

田化爲綠林兮宵海變作潢池天君於是惕然兮恐  
忝帝之明命知無主之乃亂兮執精一而施令朕主  
靜而在內兮捻出治之大柄惟汝志自我而出兮肆  
分符而司動雖千萬而必徃兮省厥躬而直壯敦詩  
書爲韜鈴兮說禮樂爲律令臨智水而開地兮倚仁  
山而築壘修禮義之干櫓兮穀忠信之甲冑淬孝悌  
之脂刃兮礪道德之利器開正路而發軔兮闢廣居  
而弭節透誠閔而深八兮指聖域而爲極信天下也  
大勇兮誰匹夫之能奪寔大者之先立兮馮小體之  
敢背彼形氣之羣卒兮動不應而僕忘憤懷化以和



平方懦頑變以興起葦恐懼而安定方換暴戾而愷  
悌堂堂陣正正旗方鼓五兵之侵越赫赫靈濯濯聲  
方自六鑒之退縮誅涵聲於黑坎方斬義色於金郭  
掃蠱賊於憤田方逐奸宄於慾海蘊舊染之汚習方  
煥維新之至理何昔日之亂邦方今直為此樂地惟  
其志旣有以立方致崇廣之功業窮天地而可大方  
亘萬古而不挫晉楚失其富貴方孟烏奪其勇力參  
三才之在此方定萬事方由是將固貴於顯此方卒  
亦待於善養配道義而不悖方塞穹壤而匹量孰  
矣而卧牆方爭浩然而賈勇放六合而卷密方

兵之無敵信上下之同德方夫豈難於底績噫世人孰無此志方善將之者解矣皆讐走而狂征方夢寐裏方生死竟自壞其長城方甘寇賊之隳突余事帝而導師方恒如臨於對越決義利之心戰方期子是之造德顧墮埴之倥如兮恐落落而難合然有為者若是方豈聖訓之我欺推吾帥而盡天地之性方對自慕於先師

王若曰聖人論人之情有以四言者有以七言者而獨無耶謂悔者人情之耶必有而闕而不論何也雖不別論而同屬於四者七者之中歟自

非大聖誰能無過過而不悔何望於改改之不吝  
終必無過成王之德繆公之誓漢武帝輪臺之詔  
唐德宗奉天之誓皆可謂悔而能改者耶予臨御  
以來夙夜操存罔有少懈而實效未著疵政益多  
天時人事日漸憂危過不知悔悔不知改而然耶  
如欲治皆從欲事無後悔其道何由子大夫目擊  
心憂必有所欲言者其各悉陳

臣對臣謹按易復之彖辭曰復其見天地之心乎夫  
天地之心於穆不已而猶貴於復則況以聖人而法  
天地可無悔過復善之端哉今我主上殿下以文



王純亦不己之德加咸湯改過不吝之心深究既往  
之失欲從將來之善疇咨經席之暇謀及布韋之  
士噫殿下之心天地之心也聖而益聖其在今日  
臣雖愚魯無恥知識可無一言仰裨聖德之萬一  
乎請效芥獻冀垂 圣察臣伏讀 聖策曰聖人論  
人之情止悔而能改者耶臣主復再三隕越于下臣  
竊惟夫悔者理也自內出者也理在心而不泯故有  
過則悔人之情也然而聖人論情獨不言悔者四端  
七情皆言性之發動而發動失其中然後始有悔心  
則雖不言悔而悔在其中矣噫人之所不能無者道

也人之所不可無者悔也過而能悔悔而能改則自  
新之念照映方來而終至於復善過而不悔悔而不  
改則既往之愆累日俱深而終至於喪德悔過之意  
顧不重歟雖然知過然後可以能悔克已然後可以  
能改能悔之要在於明此心之善能改之要在於誠  
此心之德學者工夫猶不可忽矧伊人主奈何不曷  
稽之於古四國流言孺子懷疑而元聖之誠上格天  
心則執書之泣良心著也全師覆敗三帥不返而老  
成之言深悔不用則作誓之告真憤現也窮兵黷武  
海內虛耗則降詔輪臺其悔也晚民怨天怒一隅播

越則頒詔奉天面從而已噫惟庸而變克終允德始  
迷而復遂成霸業則周成秦繆其庶幾乎秋風悔前  
僅免亡秦之續奇刻餘習追仇辜言之人則彼哉二  
君無足論矣伏願 聖明一戒一法而慎厥與焉臣  
伏讀 聖策曰予臨御以來止其道何由臣主復再  
三感激于下 臣伏觀 殿下體膺上聖運撫中興承  
昏主之亂經逆豎之禍大變革於身大警勸於心乙  
丙憂勤者無非悔愆之思朝夕論思者盡是復過之  
道是宜敦復之言而德造于罔覺日新之篤而道積  
于履躬萬幾時叙廢政日熙而奈之何殆不深欲百



弊俱生天怒於上而灾異疊出民困於下而惡咨朋  
興憂危之勢日以益甚臣不敢知厥咎何居我 殿  
下悔過之心未至而竊歎改過之誠未篤而然歎噫  
以 殿下之惕勵觀於今日則宜無一疵之可言以  
殿下之誠心論於今日則雖謂之悔過未盡其心  
改過未盡其實可也 不知過則已知則必悔不悔過  
則已悔則必改 殿下既已知悔之矣臣有何顧憚  
而不盡之乎臣聞心者一身之主而萬化之源也此  
心明然後可以知過此心誠然後可以無過伏願  
殿下加不息之功盡涵養之實燕安蠶獲而罔懈幽

獨得肆而猶謹則本源澄澈萬化俱新無過可悔如  
日月之明有善即遷如風雷之速百志惟熙庶績其  
凝以之事天而天有申命之休以之臨民而民有成  
仰之化而殿下所謂從欲以治其在斯矣伏願

聖明留神焉臣以受人之微言咸告我聖明矣請  
以未盡之意申告于篇尾臣伏讀聖策曰子大夫

止予將親覽焉臣主復再三主臣之至臣聞悔過之

本固在於養心而養心之要實係於學問學苟不講

理苟不明則聞見淺陋是非顛錯有過而不能知有

善而不能從矣伏願殿下師高宗之時敏法文王

之緝熙夙夜匪懈終始典于則清明在躬志氣如神  
有不善未嘗不知知也未嘗不改可以達天德可以  
達王道此學問之極功聖人之能事而臣之所望於  
殿下者也噫位聖作狂在今日命吉命凶在今日

伏願

聖明澄省焉

臣謹對



天默先生集卷四





